

DEO OPTIMO MAXIMO VNI ET TRINO, VIRGINI DEIPARÆ, ET SANCTO LVCÆ,  
ORTHODOXORVM MEDICORVM PATRONO.  
**QVÆSTIO MEDICA**  
CARDINALITIIS DISPVATIONIBVS MANE DISCVTIENDA  
IN SCHOLIS MEDICORVM, DIE IOVIS XXXI. MARTII,  
M. CLAVDIO QVIQVEBOEVF, Doctore Medico, Præside.

*An Ostreum boni succi Alimentum?*

999

**A**RTIBVS corporis omnibus, etiam exanguibus ac spermaticis vnus in alimentum succus à Iecore suppeditatur, sanguis. Is *μυρρην* iurè perhibetur si calidior aut frigidior est, si crassior aut tenuior, si falsus, amarus, acidus, si alià quapiam peregrinà qualitate imbutus. Sin temperatus & dulcis humorum quatuor, ex quibus constat, symmetriam naturæ legibus convenientem seruet, optimus. Ille morborum ferax maturam senectutem, hic longam adolescentiam reddit. Talem hepar feruidius, aut impensius refrigeratum, multò minùs *ἀπαισι* ex cibis quantumuis laudabilibus & euchymis nunquam producet, nec item sanum ex improbis & cacochymis. Ad succi tam præstantis, tantoque opere ab exinanitis partibus, *ἀπαισι* licet & *ἀπαισι*, expetiti generationem est necesse æquo pede vt concurrant cùm efficientis robor, tùm subiectæ materiæ *ἐπιδύσει*, his ferè in duobus obtinendis tota laborat & occupatur Hygiene tam phylactice quàm prophylactice.

**V**NCTIS animantibus vnus communis à naturà paratus est potus aqua. Cibus cuique suus peculiaris, equis fœnum, bobus etrum, leoni crudæ carnes, sturno cicuta, elleborus coturnici, pisciculi piscibus, ostreis rorulentus, quem hiantes capturiunt, humor. Ast homini *παντοφάγος* vniuersa penè permixta cùm stirpium, tùm animalium familia est. Qui tamen boni succi prouentu sanitati suæ, vitæque diuturnitati vult consultum, ne obuiis quibuscumque indiscriminatim vtatur. mollia præ duris seligat, humentia siccis, leuia grauib, tenuia crassis, friabilia lentis ac viscidis antehabear. acida & acerbata deuitet non minùs quàm acria & amara. quæ iucundi saporis illecebræ omnium, nedum heluonum, fauces prolestant, dubio procul *ἐπιδύσει* & *ἀπαισι*. Talia in quoque genere non pauca reperias; in frugibus triticum; ficus & vuas in fructibus; veruecem, vitulum in quadrupedibus; in auibus capum, phasianum, ficedulam, Trutam percam, rhombum in piscibus; in testaceis ostreum.

**R**VDIS etsi ostracæ molis, capite, sensu, motu, sexuque carentis, compages fuerit & structura, ne minùs solertem in eiusmodi fabrica Naturam, at *οὐκ ἀνθρώπου* existimes. Vbi nihil penè est quod non alteri præda sit aut pabulum, illicutas degere voluit ostreas, ascitæque scabritiei duritie voraciorum piscium, tam grati cibi delicias auidè appetentium, ingluuiè illudit; quò scilicet primis nostris apponeretur mensis, pollucibulum conuiuiorum caput, elegantiorumque dapum tripatinum futuræ. Omne perfectò rulit punctum delicatulus ille cibus, admixtum in se habens vtile dulci, perquam grato salubre adnexum. & vt nectareo suo sapore nullius palati repugnat sententiæ, ita ex eius tempestiuo esu ac moderato nemo non vnquam vberes sanitatis percipit fructus.

**E**STACEORVM temperiem ex testæ, quæ illis vice cutis est, æstimare noli. singula accuratiùs perscrutare, & medullam sub osse, sub nuce nucleum, duriore sub ostraco latere comperies molle ac sapidum ostrei corpus, hoc habens cum lacte, alimentorum præstantissimo, commune, vt nullum ab arte requirat apparatus, sed quale à naturà productum est, tale assumptum faciliè & coquatur & distribuatur, dulcemque in succum abeat, *ἐλαφρότερον* quidem, ast laudabilem & *ἀπαισι*. Non eadem mytilorum, hiatarum, buccinorum, & aliorum id genus *ὀστρεοφάγος* ratio est, quorum conchæ, læuiores licet, ac prædiuite colorum pigmento variegatæ, *σκληρότερον καὶ δυσπεπτότερον* includunt carnem, quæ nonnisi elixa edulis est, cùm ostrea, in eo quoque lacti analoga, culinario quouis mangonio deteriora euadant, doteque suas peculiare exuant *λαττωτικὴν καὶ διυρτικὴν*. Solitaria hæc *χρεὶ ἐξήσους* assumuntur, aut aliis saltem cibis præmittuntur.

**B**ENE cum ostreorum amasis actum foret, si quâ percelebris ille apud satyricum epulo, eadem & ipsi pollerent palati eruditione. Neutiquam in eorum delectu hallucinarentur. Ostrea callerent primo deprendere morsu litoribus-ne aut ripis eruta, an è medio mari aut fluuio; nauigione an equo aduecta; veterane an recentia sint; hæcque illis merito iure anteferrent, vt & minutiora amplioribus, latioribus spissiora; at præ cæteris bonitatis ac præstantiæ mererentur palmam, quæ solido in vado capta, spondylo sunt breui, non carnosæ, nec fibris laciniosæ, quæ tota in aluo, item ambiente fibras purpureo crine. Eiusmodi structuram natura vere ac circa ætatis initium plurima reperias, quæ valens ventriculus & audissimè excipit, & completitur arctissimè, minimoque negotio in chylum mutat laudatissimum, cuius haud dubiè futurus quàm ocyor per liberioris venarum ductus in hepar appulsus, vnde tandem illic elaboratior chymus exurgat, quàm vt succulentum corporis habitum inani Saginà mentiatur.

*Ergo Ostreum boni succi Alimentum.*

F.M.P.  
BIBLIOTHECA

Proponebat Lutetiæ **IOANNES DE BOVRGES** Parisinus, A. R. S. H. M. DC. L.